

Poldi Timotidok pepa mindan youliminguk Yodakale Mede

Pepa yonj adi Poldi Timoti netok mindan youliminguk. Pepa yendok maanenj adi Poldi Timoti ne nindokoon, niŋkilitiŋa tubulodaune adi titiŋ momoonj tiŋa nadisukiliti ginenj fafaŋenj yali Kilisto Jesu'walaŋ Mede Momoonj yohautadok yonj youliminguk. Tiŋa undugonj mede kahat hogohi meeniŋ nadisukilitihik tubukadakainj undihidok magi kametnadi mu tuluwaak yonj nihep tuguk. Adi toboniŋ Pol ne titiŋ momohi dedinj tuguk unjakoŋ Timotidibo takaliŋa titiŋdok yonj youliminguk. Titiŋ momohi wonjadi indinj. Nadisukiliti ginenj fafaŋenj yayat, welekulema ginenj hatihati, meeniŋ noli yabukahile-kahile enj malabumunj beembeem.

Yokahanj

¹ Nu Pol, nu Kilisto Jesu'walaŋ aposel. Bepan ne'walaŋ nadinadide aposel mintaanj, metam Kilisto Jesu nadisukilitimiŋa hatihati kahiledok yofolok tuguk u yenihautadok nehitubudakaleen naninjkukuk.

² Timoti, du mihine hinek, nu welenedi gabukahile tilat doktiŋa pepa i youkamulat. Ban Bepan tiŋa Wapumnik Kilisto Jesu adi'walaŋ silonj tobogonj, enj nadikulema, enj kulemadi du'walaŋkade haliwoonj hatuwaak.

Timoti nadisukilitinij fafanjewekdok ninikilitiguk

³ Batne papaneye adi welehek walihi hatinjila Bepanj'walañ kwanai tiginj. Kañ nu maan titinj undiningonj tinja yomnit mokit hatinjila Bepanj'walañ kwanai tilatdi niutumbaarj helemahelemañ haniñ be tebele ninadi tilat indigonj tuwot du maan nadisugamulat. ⁴ Nutok tinja bulaningonj nadiña dautilitilik tugunj wendoktinja nu kotigonj buña gabudok hinek nadilat. Undun tinja kedem nadifo hinek tibaat. ⁵ Tinja nadisukiliti foloonj hakamulak wendok maan nadisulat, nadisukiliti wonj adi mamage Lois tinja manje Yunis'walañ hakukdi du'walañkade meñeña buguk hatak u agañ nadilat. ⁶ Kañ nu wendegonj nadisugamuña ganinikaikalat. Nu kohone kige folonj kamewene Bepañdi kahaññin silonj tigamguk u tubukokomeune kudup wele danewek. ⁷ Du agañ nadilañ, Bepañdi Munabuli ninguk u munabuli munta diniñ moñ. Munabuli wonj adi sañiniñ nindok eñ nihitubu-lodaune me noli welenikdi yabukahilekahiledok eñ nihitubu-lodaune hatihatiniñ momoonjonj hinek kadokodok wendok ninguk.

Fafaje tinja Bepanj'walañ Mede Momoonj kamehatidok

⁸ Undun doktinja du Wapumnik'walañ medeñin yohautadok meka adi mu tuluwaanj. Tinja undugonj nu yot fafañeniñ gineñ hatat wondoktinja meka mu tibaan. Nu adi Wapumdok tinja yot fafañeniñneñ hatat. Ale du Bepanj'walañ sañiniñ beña, nukut Mede Momoonj yoyo kwanaidok malabumuñ hekiyademeet. ⁹ Bepañdi

agaŋ kotigoŋ ninigikuk, tiŋa ne'walaŋ metamŋiye unŋonoŋ hatidok yoŋa kutininiŋguk. Adi inde nemek titiŋ momooŋ niŋ tugumun doktiŋa mu kutininiŋguk. Mokoŋ. Koomkwaha hinek, Bepaŋdi nemek nemu yehitubu-mintaŋila ne'walaŋ nadinadiŋiŋde kutininiŋguk. Ala siloŋ tobogoŋ Kilisto Jesu'walaŋ hatak u nimiŋa netok metamŋiye hinek nibukahileguk. ¹⁰ Kaŋ folooŋ adi nai kobuk i Tubulodanik Kilisto Jesu foune unŋaniŋ mintadakaleguk. Kilisto Jesudi kumuŋ diniŋ saŋiniŋ tubudapmahinakaŋ, Mede Momooŋŋiŋ gineŋ hatihati dapmandapmaŋnit mokit u tubuhautaune metam feedi kadakalegiŋ.

¹¹ Kaŋ nu wendok Mede Momooŋ yoyo titiŋdok eŋ aposelŋiŋ hatiŋa yenindidime kwanai tibit yoŋa nehitubu-dakaleeŋ naniŋkukuk. ¹² Unduŋ doktiŋa nu malabumuŋ u hekilat. Ingoŋ oŋ, nu wendoktiŋa meka mu tilat. Mokoŋ. Nu me nadisukilitimilat u agaŋ nadimilat. Tiŋa undugoŋ kwanai kohone foloŋ kameguk u ne kedem kaulidokowaak, kaŋ wendi helemahelamaŋ momooŋ hali ulune Kilisto'walaŋ nai wapum u mintawaak.

¹³ Mede momohi dibek ganiŋgut u momooŋgoŋ hinek nadiŋa, tali wendok tuwolit hinek yehikeleeŋ mede yohautaaŋ metam yeniyehitubu-didimewaaŋ, woŋ adi Kilisto Jesu nadisukilitimiŋa welesiloŋ timiŋa unduŋ tibaaŋ.

¹⁴ Bepaŋdi Mede Momooŋ u kadokoweŋ yoŋa kohoge foloŋ kameguk, woŋ adi nemek momooŋ hinek, ale momooŋgoŋ hinek kadokoluwaanŋ. Kaŋ Unŋonoŋ Munabuli welenik maaneŋ hatilak adi kwanai u kedem gehitubu-lodawaak.

Poldi Onesifolasdok welemomoon nadiguk

¹⁵ Esiya kwetneņ me hogohogok agañ binabugin u agañ nadigun, eņ Fisela tiņa Hemoseni adi maañ agañ binabugumuk. ¹⁶ Nu Wapumdi Onesifolas tiņa wapmihinjintam welekulema tubumintayembek yonã ninadilat. Nai fee hinek Onesifolas adi welenadifo tubumintanamuluguk. Eņ yot fafaņeniņneņ halene wendok meka mu tuluguk. Mokon. ¹⁷ Adi Loma iņon busuwaan nehitubumintadok fafaņe kwanai hinek tuguk, titauyen kougon nehitubu-mintaguk. ¹⁸ Wapum ne nadiune yodapmandapman nai wapum folon Wapum'walaņkade welekulema tubumintawaak. Tiņa undugon, Onesifolas adi Efeso uņon nehitubu-lodadok kwanai fee hinek tuguk u da-ku agañ nadilaņ.

2

Wapum'walaņ mikme momoon hatidok

¹ O mihine, Timoti, du helemahelamaņ Kilisto Jesu'walaņ silon tobogon u kahileune wendi gehitubu-fafaņeluwaak. ² Kaņ mede hogohogok metam namandahik folon yohautawene nadigun u yadi metam mede yonã undugon hinek kelein eņ Bepañ'walaņ mede boifafaņeņ hatiin undihidok yenimbune adibo metam noli maañ kadem yenindidimeyaneņ.

³ Du adi Kilisto Jesu'walaņ mikmeņiņ momoon hinek hatiņa me noli malabumuņ hekiyam indut kwanai wendoktiņa malabumuņ hekiluwaan. ⁴ Du mikme heki'walaņ titiņhik agañ nadilaņ. Adi

mikme dinin kwanai tinjila nehitok dinina kwanai be kwanai noli maan mu mongola kwanainein. Mokon. Adi yadi me wapumhikdi kwanaihik u kanadiune utumba titindok nadinja mikme kwanai hogok momoon tiin. ⁵ Kan me kiyane tiin adi yadi kiyane titin dinin yodoko u takaliin, en u mu takalinja adi fek ginen wosuwaan nemek foloon mongokiin u tuwot mu mongotnetin. ⁶ Me diniyeti kwanai fafane tija tiin heki adi nanane foloon koom mintalak u nehi naune tuwot tibek. ⁷ Nu mede i ganilat yendok nadinadi kwanai tiben, kan Wapumdi nadinadige tubu-tombek kan mede hogohogok yendinin mebi u kedem nadidakalewen.

Gweheye mu titindok

⁸ Du adi helemahelman Jesu Kilistodok nadim-iluwaan. Adi yadi Dewit'walaan yalakinjindi kumu ginenin kaikaan pilakuk. Nu Mede Momoon undun unakon yohautalat. ⁹ Kan metamdi wendogon tija nabiin kan nu me hogoli undun tilat, undun doktina malabumu mebi namuna yot fafanein ginen napmein. Ingon Bepan'walaan medenin adi tuwot mu folokenen youkilitibune halek. ¹⁰ Wendoktina nu fafane welene tubukitina malabumu hogohogok u hekilat. Undun tija Bepandi metam netok yabukahileguk u yehitubu-lodalat. Kan adi maan hatihati Jesu Kilisto'walaan hatak u kahileen hauta holiholinenit ginen unon dampandapanit mokit hatineen.

¹¹ Mede indin hatak u biyagon hinek:

“Indi biyagon hinek adut kumungmun kan undugon biyagon hinek adut kaipmun hatineem.

12 “Indi malabumun hogohogok u nadikabeleen gigne tiŋa adut fafaŋen hatineem adi Jesusdut mapme kwanai nonŋon tineem.

“En indi adi sigilulum timine nibuŋa adi maan sigilulum tinimbaak.

13 “Indi adi takalidok yofolok tiŋa medenik u mu tagimneen tineem, inŋon adi yadi medenŋin yoguk u tagimnelak.

“Adi ne’niŋ medenŋin u tubutakaleen undubo yoon undubo yoon mu tilak.”

Bepaŋ’walaŋ mede didimeŋon yohautaluwaan

14 Du helemahelman metam mede i nadinadidik gineŋ kotigon tubukaikayemuluwaan. Tiŋa nemek kuyahi fili wendok tosiwe mu titindok mede fafaŋenŋon Bepaŋ dawineŋ yeniluwaan. U nemek foloonnit mokit, doktiŋa metam nediyeŋ mede u nadiiŋ adi yadi yehitubukadaka tilak.

15 Du yadi kwanai-me foloon hinek mintadok kwanai fafaŋe tiŋa tuluwaan. Unduŋ tubune Bepaŋdi kwanaige u kan nadiune utumba tuluwaak. Kan du Bepaŋ’walaŋ medenŋin biyagon en foloon hinek u didimeŋon yohautaluwaan, unduŋ tiŋa adi dawifolon meka mu tibaan.

16 Mede fifit Bepaŋ’walaŋ nadinadiŋdi mu takalilak, mede fili undihi adi sigilulum tiyemdok. Mede undihidi metam gigneen yahaŋeune kadakanŋin fuliŋon tiŋa Bepaŋ sigilulum timindok tali gineŋ wiŋ. 17 Mede

undihi adi wede daungimiñdi metam yehitubu-kadaka tiin wendok tuwolit, adi wapum hinek mintawetik. Me mede undihi yoyo tamuk meyat lufom, Haimeniya tiña Failita. ¹⁸ Adi indin yonila mede biyagon en foloon hinek dinin tali bik-abamuk, “Indi kumuñ ginenin kotigon kaikaan pilapilat u agan pilakumun.” Mede wendi metam noli nadisukilitihik tubukadakalak.

¹⁹ Ingon Bepan di taka kobumuñ wenedahiguk u fafanenin yatak, kan wendok folon mede youkudip indin hatak: “Wapum adi ne’nin metamniye u agan yabunadihinakayemilak.” Tiña youkudip noli maan gon indin hatak: “Metam hogohogok Wapum wou kamehatiin adi yadi titin kadakahi u sigilulum tiyemaneen.”

Welenik walanin gon hatina Bepan’walañ kwanai kedem taneem

²⁰ Yot wapum nin ginen malin ikiin u gol tiña silwadi tutumbagin hogokdi mu ikiin. Mokon.* Bemdi be kwetdi tutumbagin u maan ikiin. Ala noli nai ungonin dokon gon mintalaknen beña kwanainedok en noli adi kwanai fifit noli mintalak undinen beña kwanainedok.

²¹ Undun doktiña nediyendi hatihatiniñ ginen titin kadakahi tumolokudapmaan Bepan dawinen ungonin mintawaak, adi yadi malin ungonin kwanai dokon gon tiin wondok tuwolit mintawaak. Tiña Bepan’walañ mehinek minta an Wapumniñ tubulodawaak. Undun tiña kwanai-mebimebi momohi u titindok woom tuluwaak.

* **2:20:** Malin yolak won adi malindok hogok mu yolak. Nemek noli, kabot, ime utnan, ime kabot heki wondok yolak.

*Sadañ'walañ tikamanda yabudakaleeñ
yalakapmedok*

²² Unduñ doktiña du helemahelman metam kuya'walañ welehi gineñ nadigalika kadakahi hogohogok mintalak undihi u sigilulum tubudapmaluwaan. Unduñ tiña du adi titiñ didimeniñ eñ Bepañ nadisukilitimindok titiñ eñ me noli yabukahilekahile diniñ titiñ eñ welekulema diniñ titiñ undihi adi kedem yabukahileluwaan. Da tiña me noli nediyeñ Bepañ namanda foloñ uñgoniñ hinek hatiñila Wapum wou gineñ wotubudulaan mulelem timiña ninadi tiñ, hidi hogohogok wanakañdi titiñ u taneñ.

²³ Tiña unduñ, du adi me nadinadihik hogohi heki'walañ mede kaulehi nadidakalenit mokit, undihidok magi kametnadi adi mu tuluwaan. Mede undihidi tosiwe eñ tokwihita tubumintañ, u da-ku agañ nadilañ. ²⁴ Tiña Wapum'walañ kwanai-me adi mede tosiwe be tokwihita mu titiñdok. Mokoñ. Adi yadi metam hogohogok titiñ kulemañgoñ tiyemdok. Eñ me niñdi foko timimbune kañ adi toboniñ welekulema timiluwaak. Unduñ tiña metam hogohogok Bepañ'walañ talik didimeniñ yenindidimeluwaak. ²⁵ Adi yadi me mede wobu tiñ heki'walañ nadinadihik u baigoñ kwanaineñ tubudidimeluwaak. Unduñ nobu tubune Bepañdi yehitubu-lodaune welehi tubutakaleeñ mede foloñ, biyagoñ hinek wendok nadinadi kwanai kedem binek tineñ. ²⁶ Sadañ'walañ medeniñ takalidok yoña agañ bepeññdi yohoneguk. Ingoñ oñ, adi mede biyagoñ eñ foloñ hinek u nadiune nadinadihik

kotigon dakaleune Sadan'walañ begeh u kwihiliwenekula kedem hatineen.

3

Nai wapum dulaune metam feedi titin kadakahi kisan tineen

¹ Du adi indin nadiwen: nai dapmawene tulune kadakanin di fee hinek mintaan ulihakawaak.

² Enj metamdi nehitok nadinadi hogok hatineen, tinja muneenrit hogok hatidok nadinadihik wapum halaak, enj nehi wohik yotiloon foko tineen, enj tokwihita tinja me nolidok medehaki yenineen. Enj mehim-behiye'walañ mede wobu tiyemneen, enj metam titin momohi tiyemneen hekidok yeniutumba tuwot mu tineen. Enj Bepañ'walañ titin hogohogok u sigilulum tineen.

³ Tinja undugon me nolidut menot titindok mu nadineen, enj adi kwihita tubune yeninkulemadok talik nemu mintawaak. Adi yadi me noli yenimpekit tineen. Tinja undugon foloohik dinin nadigalika mu kadokoneen, undun tinja mik tinja metam hogok yehitubu-kadakafit tiyauneen. Enj titin didimehi hogohogok u mik tiyemneen.

⁴ Adi yadi me noli nehi'walahi u yeninkamanda tinja kadakanin tiyemneen, undun tinja pilap hinek nehi'walañ nadinadihik hogohi nadidakalehinit mokit u yehikeleneen. Tinja nehitok nadiune nehi adi me wapuhi hinek tibaak. Undun tinja titin mebimebi nadifonit kwetfolon inon hatak wendok nadigalika tinja Bepañ kahile mu tineen.

⁵ Tinja adi yadi Bepañ'walañ titin u sigihikdi hogok tineen, ingon Bepañ'walañ titin foloon

hinek sanjiniŋ wapumnit hatak u yadi nemu kabe nadineen. Du adi me undihi biyabuŋa kwatnanŋon hatiluwaan.

⁶ Mewoi undihi adi tamwoi nadinadihik gweheyehi'walaŋ yohineŋ kabukabup yofofon tiyawoon nehitok nadiyembune utumba titindok yeningatagataye tiin. Tamwoi won adi kadakaninŋhik doktiŋa nadimalabuda tiin. Kaŋ welehikdi pilali titin wou wou mebinit mokit u titindok yehimanelak. ⁷ Tamwoi won adi nadinadi foloon nadidakaledok nadiŋa helemahelman nadinadi kwanai tiin, inŋon Bepaŋ'walaŋ mede biyagon eŋ foloon hinek uyadi tuwot mu nadiin. ⁸ Koom Yanis dut Yambilis adi Moses mik timinŋumuk.* Undugon hinek me titin undihi tiin adi yadi mede biyagon eŋ foloon hinekdok mik timiin. Tiŋa nadinadihik giyondadapmaune Bepaŋ nadisukiliti hinek mu timiin. ⁹ Inŋon titinŋhik yendi wapum hinek mu mintawaak. Mokon. Metam hogohogokdi titinŋhik kaulehi u agaŋ yabukiyondaneen. Koom Yanis gut Yambilis'walaŋ maan undugon mintaguk.

Metam hogohogok nadisukiliti tiin adi malabumuŋ hekineen

¹⁰ Inŋon du adi nukut hatiŋa titinŋe Bepandi titin dedin titindok nadilak u metam yeniyehitubu-didimegut u agaŋ nadiŋa kelelan. Eŋ yauyaune dinin mebi maan agaŋ nadilan, eŋ titinŋe dinin mebi hogohogok wanakan hinek nadihinakalan. Nu Bepaŋ nadisukiliti hinek

* **3:8:** Adi'walaŋ kahat u Kisim Bek 7:11, 22 gineŋ kunatnadidok.

timilat, en helemahelman welene tubufafanen kwanai tilat, en me noli yabukahileen fafane tina hatina malabumun beemulat u du agan nadilan. ¹¹ Metamdi titin kadakahi hogohogok tinamgin be malabumun hogohogok Antiyok, Aikoniam en Listala unon hekigut u du agan nadilan. Du nemek hogohi hinek yokwet wapuhinen unon tinamgin u agan nadilan. Ingon Wapumdi malabuhi hogohogok wendinin maanen nehitubu-lodaune kedem hakut. ¹² Biyagon hinek, metam hogohogok nediyen Kilisto Jesudut woon galiya Bepan'wala titin takaliin, adi yadi metamdi malabumun yemiin. ¹³ Kan me kadakahi en yalan-me hekidi metam tikamanda tiyemneen. Kan Sadaandi nehinile tikamanda tiyembune titinhikdi kadakahinakawaak.

Poldi Timoti ninikilitiguk

¹⁴ Ingon du adi mede dibek nadigun u nadin nadisukiliti fafanelan unakon honefafanewaan. Metam nediyendi mede u ganingehitubu-didimegumun u da-ku agan nadinimhinakalan. ¹⁵ Tina undugon, du koom kuyanin ginengon dungon hatinila Bepan'wala Youkudip Mede kunatnaditabulan. Youkudip Mede wendi Bepan'wala nadinadi fulingon gambune du Kilisto Jesu nadisukilitimimbune Bepandi kotigon ganagilaak. ¹⁶ Bepan'wala Munabuli negon mede hogohogok Bepan'wala Youkudip Mede ginen hadapmain u yotubumintaguk. Kan mede won adi mede biyagon en foloon hinek u nininihitubu-didimedok mede fofoon, en

metam nadinadihik didimehi moŋ u yehitubu-didimedok, eŋ hatihatiniŋ tubudidimedok, eŋ Bepaŋ namanda foloŋ titiŋ didimehi u nininihitubu-didimedok. ¹⁷ Wendoktiŋa mede yendi Bepaŋ'walaŋ memetam nihitubu-lodaune titiŋ momohi hogohogok u behinakayam, tiŋa undugoŋ nihitubu-lodaune kwanai hogohogok momohi u titiŋdok tiulidoko tiŋjila hatiyam.

4

Didimeneŋgoŋ hatiŋa Bepaŋ'walaŋ mede yohautadok

¹ Kilisto Jesu adi hatigene Mapme Wapum saŋiniŋnit busuwaanŋ kaipmuŋ hatiyam be agaŋ kumuŋgiŋ indi'walaŋ mede yodapmandapmaŋ kwanai tibaak, nu adi'walaŋ namanda foloŋ be Bepaŋ'walaŋ namanda foloŋ indinŋ ganiŋfafaneŋwene nadiweŋ: ² Du adi Adi'walaŋ medeŋiŋ u fafaŋe tiŋa yohautaluwaanŋ. Metamdi mede nadidok tiulidoko taneenŋbe, be mu taneenŋ, iŋgoŋ fiit du adi helemahemaŋ fafaŋe kwanai tiŋa Kilisto'walaŋ medeŋiŋ yohautaluwaanŋ. Du weleyouyout tiyemiŋa yehitubu-kaikaune wele tubutakale tiŋa Bepaŋ'walaŋ titiŋiŋ takalidok adi mede saŋiniŋnit hinek yeniluwaanŋ. Unduŋ tiŋa helemahemaŋ kulemaŋgoŋ tiyemiŋa Bepaŋdi titiŋ dedinŋ titiŋdok nadilak u momoŋgoŋ hinek yeniyehitubu-didimeluwaanŋ. ³ Hatigene nai niŋ mintawaakneŋ metamdi mede didimehi u nadidok moŋ nadineenŋ. Adi toboniŋ mede fifit noli nadidok gigine tiŋa magi kametnadi tineenŋ. Unduŋ tiŋa metam

fee yeniyehimaneune buña mede adi nadidok gagine tiin unak yenimbune nadineen. ⁴ Undun tubune adi mede biyagon, foloon hinek u sigilulum timina kahat fifit foloonhinit mokit wendok magi kametnadi tineen. ⁵ Ingon da adi helemahelman nadidakalenit hatiluwaan. Hatijila malabumun en folofigita hekiluwaan. Tina undugon du Jesu'wala Mede Momoon saninih nit yona weleyouyout tiyembune welehik tubutakaleyaneen.*

Pol kumundok nainin dulaguk

⁶ Nu nai muninin kumumbene nangatnedi wain ime Bepandok dumun kwatnemiin undun kwatnedok agan nai tilak. ⁷ Nu hatihatidok kwanai gineun unon kiyane momoon hinek fafaneun kyanegut. Ala ya agan fek gineun busuwalat, en nadisukilitine Bepan'wala kade maan fafaneunon hinek honefafaneun. ⁸ Kan yon adi agan metam kiyaneun fek gineun wosuwaan tuwanin bein u agan woomnamulak. Tuwanin u ye indin, Wapumdi me didimenin nanimbaak. Wapum adi titin didimenin takalina memetam'wala titin hik kameka tilak, ala nai wapum mede nadinadinin nai folon tuwanin u nambaak. U yadi nu hogok mu nambaak. Mokon. Metam hogohogok nediyendi Wapum Jesu mingon mintadakaleune kakan dok nadigalika tin woom-hatin aditok maanon yembaak.

Poldi Timoti pilap buña kakan dok ninguk

* **4:5:** Kwanai won adi ewengelis kwanai.

⁹ Du debedeбек tiņa pilap hinek buņa nabaan.
¹⁰ Dima adi nemenemek kwetfolon hatak yendok nadigalika tiņa binabuņa Tesalonaika yokwet wapumneņ uguk. Eņ Kelesen adiyen Galesiyade uguk, kaņ Taitus adi Dalimatiya kwetneņ uguk.
¹¹ Kaņ Luk kubugoņdi hogok nukut hakamut. Unduņ doktiņa Mak nagilune dukut noņgoņ bude-meek. Kaņ adi nehitubu-lodaan kwanai iņoņ kedem tidemeet. ¹² Eņ Tikikus adi agaņ kamewene Efesode uguk.

¹³ Ala bene kaņ dahidahine wahiniņ kweheyeņiņ Tolowa yokwet wapumneņ me Kapas yolineņ itak u maan tiņa baan, eņ pepa bilihethinit† maan moņgolaan. Tiyaugene pepa bilihethinit kale gitnemdi tutumbagiņ u biyabuņa baanneņ alaka, naditomuņa u maan moņgola baan.

¹⁴ Me Alesanda adi aindi nemenemek tumbatutumba tilak, adi kadakanij fee hinek tinanguk, wendoktiņa hatigene Wapumdibo titiņ wondiniņ kibikoņ tuwolit hinek kougoņ tubu-udanemimbaak. ¹⁵ Medenikdok adi mik hinek timiņguk, unduneņ ala kanadiņila hatibaan.

¹⁶ Timentimeņ hinek mede gineņ yali mede tubu-udanegut, nai uņaniņ nebek niņdi medene u kasop nemu tiņa yoguk. Mokoņ. Metam hogohogok adi binabudapmaņ tigiņ. Nu Bepaņdi yomhik u biyembek yoņa ninadilat. ¹⁷ Ingoņ Bepaņne sigiyakadi tinamuņa saņiniņ namguk. Unduņ doktiņa nu Mede Momooņ u yohinakaan yogut. Kaņ Bepaņ'walaņ metam hinek mu

† 4:13: Pepa bilibetnit adi indihidok yoiņ.

hatiginj adi maanj wanakanj hinek nadiginj. Unduj tinj Bepanjdi kale laion maninj gininenj kotigonj nanagikuk. ¹⁸ Wendok tuwot Wapum ne kadakaninj hogohogok tinamne tiinj gininenj kotigonj nanagilaak. Unduj tinj nehitubulodaune kedem halene nanagilune woonj hatihati kobuli hebenj ginenj hataknenj unonj napmewaak wondoktinj wou indinj nintilolat: Adi'walañkade hauta filimpipitnit u dapmandapmanjnit mokit haliwoonj halaak. U biyagonj.

¹⁹ Nu Piliska tinj Akwila enj Onesifolas'walanj yolinenj metambop itowiinj aditok youtumbane mede kameyemilat, u maanj yenimbune nadi-neenj. ²⁰ Elasto adi Kolin yokwet wapumnenj unonj hatilak. Kanj Tolofimo adi yagit tuguk kanj Mailitas yokwet wapumnenj unonj bikabuñ bugut. ²¹ Tiyauge hatilune fifingobut gut sububa nai tibaaknenj ala, debedebek tinj pilap hinek baan. Yubilas enj Pudens enj Lainas tinj Kalaudiya tinj undugonj kayonbop nokeye adi wanakanj hogohogokdi youtumba mede i kamegamiinj.

²² Wapumdi munabulige dut hatiluwaak. Enj silonj tobogonjñdi hidigut halek.

**Bepaŋ'Walaŋ Folofolok Kobuli
Genesis, Exodus, Psalms, and the New Testament in
the Numanggang Language of Papua New Guinea
Sampela hap Buk Baibel long tokples Numanggang**

copyright © 2005 Wycliffe Bible Translators, Inc.

Language: Numanŋaŋ (Numanggang)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 21 Feb 2024 from source files dated 31 Aug 2023

217908e9-ce08-5ac3-9947-124c48579a74